




This e-book was digitized from an original copy by the West African Research Association for the African Language Materials Archive (ALMA) project. Original funding for this project was provided by [UNESCO](#) and the [Council of American Overseas Research Centers \(CAORC\)](#) in cooperation with the [West African Research Association](#) and [Columbia University](#).

Please see the following web sites for more information about the ALMA project, contributing authors, and more titles in the series.

- Digital Library for International Research catalog: <http://catalog.crl.edu/search~S16>
- African Language Materials Archive (ALMA): <http://www.dlir.org/e-books.html>
- African language materials including interviews in video and PDF versions, documentary video, translation work, and bibliographies can be viewed at <http://alma.matrix.msu.edu>.





**Sunjata**

# Sunjata

Bamba Suso le ye ñinj taarikoo fo

A safeelaa mu Faatumata Sidibe le ti.

Men ye bukundiñ ñinj bondi, wo le mu  
Bankoo Keebaa Karandi Yaamari Bundaa ti  
(National Literacy Advisory Committee).

Mrs. Sidibe sonta ko WEC International la  
Keebaa Karandi Bundaa ye Sunjata la  
taarikoo tembendi, iye a safee kotenke.

WEC International 1998

## *Sunjata la taarikoo*

Duniyaa,  
aaa duniyaa,  
ñankumoolu Kabala,  
Simboŋ niŋ Jata be Naarena.

Sunjata faamaa, Fatahunŋ Mahaŋ na mansayaa waatoo la Mandinŋ, dinkee kuwo koleyaata a ma baake. Bituŋ kibaarilaalu naata musoo doo taamanseeri a ye, meŋ keta Sankaraŋ Madibaa Konte dimmusoo ti, i ka a fo meŋ ye ko Sukuluŋ. i ko a ye ko: "Niŋ i ye ñiŋ musoo futuu, i si diŋ wuluu a la meŋ na mansayaa ñoŋo nene te soto la Fatafinduu muumewo bee kono."

Bituŋ a naata wuli a taata Sankaraŋ. Kabirinŋ a futata Sankaraŋ Madibaa Konte ma, a ko a ye ko: "Naata musoo le ñini i bulu i ka a fo meŋ ye Sukuluŋ." Bituŋ i ye musoolu bondi a ye naŋ meŋ taata fo Sukuluŋ too, kononto. A la bitaarilaa ye bitaaro ke a ko a ye ko: "A maŋ tara ñinnu kono de." Bituŋ Fatahunŋ Mahaŋ naata a fo Sankaraŋ Madibaa Konte ye ko: "Hani bii fo Sukuluŋ too doo maŋ tara jee banŋ?"

Sankaraŋ Madibaa Konte ko a ye ko: "Doo le fanaa be jee, n diŋo le mu, bari wo maŋ ke musu

ñiimaa ti." Fatahun Mahaj ko a ye ko: "A bondi nañ  
ña a je." Bitun ì naata a bondi nañ a ye. Sukuluñ ñij,  
kutu woorowula le be a ñaadaa bala. Biriñ Fatahun  
Mahaj ñaa boyita a kañ doronj, a ko Sankaran  
Madibaa Konte ye ko: "N lafita ñij ne famfanj baa la.  
I la futuu feñ fo." Sankaran Madibaa Konte ko a ye  
ko: "Feñ te nte diñj soto la fo foroyaa." Fatahun  
Mahaj ko a ye ko: "Bari hani wo, feñ-wo-feñ n si a  
keme dii i la." Sankaran Madibaa Konte ko a ye ko:  
"Hanii." Fatahun Mahaj ko a ye ko: "Wo to n si feñ-  
wo-feñ, a tañ dii i la."

Bitun Sankaran Madibaa Konte naata Sukuluñ dii  
a la, a niñ a taata Mandij. Ì be jee, ì be jee, Sukuluñ  
naata konoo taa. A la musukeebaa fanaa naata  
konoo taa. Fatahun Mahaj ye saatewo loo a la  
bankoo kara maafanjo doo le la, a ka taa foñondiñj  
la wo le to.

Bitun kabirij a be taa, a ko a la musoolu ye ko:  
"Menj-wo-menj ye dinkewo wuluu ali kono, m be n na  
bankoo talentewo dii la wo le la, aduj wo le fanaa  
taa be ke la n na kewo bee ti." Bitun a taata.

Sukuluñ Konte naata jiidi, menj keta Sunjata ti. A  
ye a la joñj kii ka taa kibaaroo ñij dantee. Kabirij  
joñj ñij futata, a ye a tara Fatahun Mahaj na  
moolu be kontonjo la. Ì ko a ye ko: "Naa ñà kontonj."

Bitunj a siita. Musukeebaa fanaa naata wuluu, dinkee, ate wo waati kiliŋo la. I ye jaloo kii ka taa kibaaroo niŋ dantee. Kabiriŋ wo fanaa futata, a ye Fatahun Mahaŋ na moolu tara domoroo le la. Bitunj i ye a kumandi, i ko a ye ko: "Jali baa, naa ḷà kontor foloo." A ko i ye ko: "Kuma le be n daa de, Fatahun Mahaŋ, i la musoo, Naaraŋ Daniyaŋ Konaate, wo le jiidita jee dinkee."

Bitunj jongo meŋ foloo i ye a kii, kumata ko: "Aduŋ i ye m foloo le kii de, ką Sukuluŋ Konte la jiidoo kibaari. Ate le foloo wuluuta dinkee." Fatahun Mahaŋ ko a ye ko: "Nte ye meŋ foloo moyi, wo le be ke la n dinkee foloo ti."

Wo le ye a tinna jalolu ka a fo Sunjata ye ko, Sumaa niŋ Laaree. Sunjata jusuboota, sanji woorowula a be ḷunuma la, a maŋ taama. Wo waatoo la, sita suŋo doo le be Mandiŋ jee, sita diŋ kiliŋ ne be a bala, i ko moo-wo-moo ye wo sita diŋ kati noo i ye a kesoo domo, ite maarii le be Mandiŋ mansayaa la. Sunjata fulaŋolu bee ka taa naa katoo la i baaňoolu ye le, ate be ḷunuma kaŋ hani saayiŋ.

Bitunj luŋ kiliŋ a baamaa ko a ye ko: "Ite fele i be ḷunuma kaŋ, i fulaŋolu bee ka taa naa katoo la i baaňoolu ye." Bari a ye a tara Sunjata ye niŋ kumoo moyi le ko sitoo niŋ diŋ, niŋ meŋ ye a kati i ye hani

a kese kiliŋ dorŋ domo, ite maarii le be ke la Mandiŋ mansoo ti.

Sunjata naata ŋunuma fo a futata sita suŋo ŋiŋ ma, a ye a suŋo muta a ye a wutu. Bituŋ a naata wo sita diŋo ŋiŋ kati a bala, a ye a kunuŋ. Bituŋ a ye sita juwo ŋiŋ landi a baamaa ye, a ko a ye ko: "Saayiŋ niŋ meŋ lafita naa la, fo i ye ite ŋininkaa de."

A maŋ mee a faamaa naata baŋ, hani wo bee Sunjata be ŋunumoo le la. Kuyanto taa siita, wo bee Sunjata be ŋunumoo le la. I taata ka kuyandirilaŋ muroo ŋini. Wo tumoo i ka kuyandiroo ke beroolu le la, ka i lese. Bituŋ i naata wolu duŋ ate Sunjata bulu. Kabiriŋ a ye i muta, i bee katita. Bituŋ i taata i ye buntuŋ baa fula loo, i ko niŋ a ye a buloo laa wolu kaŋ, fo a si wuli. Bari kabiriŋ Sunjata ye a buloo laa ŋiŋ buntuŋolu kaŋ, i bee teyita. A naata a fo i ye ko: "Niŋ diŋo boyita, a baamaa le ka a wulindi. Ali m baamaa kili." Bituŋ a baamaa Sukuluŋ Konte naata, Sunjata ye a buloo laa a saňoo kaŋ, kiribiti a wulita a loota. Jaloolu ka a fo wo le la ko, Jatamandiŋ wulita, feŋ baa wulita.

Wo tumoo Mandiŋ, kurutu le be jee niŋ i ye a duŋ moo-wo-moo la, a niŋ a buka taa noo. Moo-wo-moo niŋ wo kurutoo taanoota, wo maarii le be Mandiŋ mansayaa la. Niŋ i ye kurutoo ŋiŋ duŋ a

faadiŋ feŋ-wo-feŋ na, a niŋ a buka taa noo. Ì ye a bo wolu la ì ko ì be a duŋ na ate la, a maŋ kuŋ a la, fo ì ye a kafu le. Kabiriŋ ì ye a kafu, a naata a duŋ kotenke, a niŋ a wulita.

A naata taa kuyaŋo to. Kuyaŋo koolaa, keetalaa naata sii. Sunjata ko ate maŋ lafi feŋ-wo-feŋ na fo jaloolu, aniŋ mansayaa. Bituŋ kabiriŋ a ko ate lafita jaloolu le la, ì ye naafuloo bee talaa ate maŋ nii soto wo to. Ì kumata ko: "Jaloolu te kuŋ noo la a bulu, kaatu feŋ te a bulu, aduŋ feŋ te meŋ bulu, wo te jaloolu mara noo la.

Fatahuŋ Mahaŋ lasiloolu, feŋ ne ka tara ì bala, niŋ i ye a fo, ì ka faa le. Bituŋ jaloolu kumata ko: "Ali ḷà wo fo, a si faa katabake, ḷà dahaa ḷà taa doolu yaa." Bituŋ soomandaa, jaloolu taata a daani ì ko a ye ko: "N Naareŋ, ñ naata le i ye feŋ dii ñ na." A taata wuloo kono a ye ñankumoo muta a ye a dii ì la. Birin a ye a dii ì la, jaloolu ko a ye ko: "Ñankume kabala." Wo saamoo fanaa ì taata a daani. Feŋ te a bulu, a taata a ye loo ñini, a naata a dii ì la. Jaloolu ka a fo wo le la ko: "Mahara Mahaŋ Konaate, Hayimadu i niŋ Yamadu." Wo saamoo fanaa, ì taata a daani koten. Feŋ te a bulu, a taata a ye liyo bo nan, a ye a dii ì la. Wo liyo ñiŋ mu woliwoli liyo le ti. Bituŋ ì ko a ye ko: "Woliwoli jii Maharaŋ Konaate.

Hayimadu niŋ Yamadu, jatoo faata Lambee suu kono dannaa." Wo saamoo koteŋ i naata a kaŋ, i ko a ye ko: "Feŋ te m̄ bulu." A taata, a ye taransu niŋ nonkoŋ fataroo suuñaa naŋ a ye a dii i la. Wo tumoo kodi maŋ tara keriŋ. Bituŋ i ko a ye ko: "Jata ye suuñaaroo ke, bari moo daa te haañi la a fo la." Wo le ye Sunjata too sii a ma. A too faŋo mu Muhamadu Konaate le ti.

### *Jaloo la denkiloo*

Duniyaa, faa duniyaa.

Bii maŋ duniyaa daa.

Bii te duniyaa baŋ na.

Keebaa yaa Sora, Danka yaa be Suma.

Tili kiliŋ ye jaliyaa taama.

Demba niŋ kiliŋ m be bala ma.

Faranj, m be la kili fala fanaŋ ma.

Bula bere te feeyaa ti abadaŋ.

M be Sambe kala la.

Fayi te nane yaa.

Kunkiliŋ, n na Fayi be duutoo koto, dindiŋ mansa.

Diŋ bee niŋ a faa,

Jali bee niŋ a jiyaatii,

Kuma bee niŋ a fo luŋ,

Niŋ i botaa Soora, Dankanaŋ niŋ Suma.

Ite le bota,

Aa wula bee niŋ Feeyaa Jawara Soora,

Wolu jamaanoo, wula mansa jamaani.

Ñiŋ jamaanoo mu kuu baa ti,

Kuu baa, kuu baa, Nahareŋ Mahaŋ Konaate.

Jatoo faata Lambee a siŋ ka buŋ.

Jata bandera, wolu kaŋ Nareŋ Mahaŋ Konaate,

Jatoo faata a siŋ ka buŋ.

I tooňaa la jali kée.

Yara suba, Makaŋ suba, Daŋ suba.

Ñankumoolu kabala,

Simboŋ niŋ Jata Narennna.

Fo alitolu maŋ a loŋ

Kuu jamaa le tambita.

Sunjata nene maŋ naa Mandiŋ,

A ye Mansadindinŋ fula le boyi,

Na sara le Mandiŋ,

Kilifolaalu maŋ Sunjata keňaa loŋ.

Sunjata nene maŋ naa Mandiŋ,

A ye joŋ laa a kaba la, la simboŋo tara Mandiŋ ne.

A kilifolaalu, wolu le maŋ Sunjata keňaa loŋ.

Sunjata nene maŋ naa Mandiŋ doho,

A ye simboŋo niŋ Kiňeera tara Mandiŋ ne.

A ye simboŋ baa Kiñeera tara Mandij ne.

Niŋ jata maŋ kulu katı,

Toolee musu maŋ taa la konko la.

Jukuluŋ Kuŋ Mahaŋ Lekelenŋ Kuŋ Maha.

Siraa banji bu.

Ñiŋ bee, m be jumaa niŋ jumaa le kili la,

Amadu Mansayaata le, Kajo la.

Wo le ye Jina Musa wuluu.

A mansayaata Kajo la

Wo le ye Siraamaŋ koyoo wuluu,

Wo le ye Fili Daabo wuluu,

A jamaanoo banta.

Yamaru, wo, Mama Konaate banta.

Ñankumoolu Kabala.

Simboŋo niŋ Jata Naarenŋ na

Sujata faadinjolu naata a la kuwo juubee, i maŋ laa a la. A la kuwo ye i jaakali baake. Bitunŋ i naata tuura muta i ye a dii koriteelaalu la ka Sunjata koritee i ye. Wo tumoo Sunjata ka dannayaa le ke. A taata wuloo kono a ye sama fula faa, a ye i feňoolu kuntu, a ye i bula a la kufoo kono. Kabirinŋ a naata, a ye i tara siiriŋ, bitunŋ a ye i kontorŋ, bari i maŋ soŋ na a joo la. A ko i ko: "Ali n joo, niŋ subu kuwo le be ali la, a fele ḡa sama fula faa i be laariŋ wuloo kono. Ali si taa i kamma ali ye i kafu ali la suboo ma, bari i ye ali kii meŋ na, ali a tu jee."

Koriteelaalu la keebaa wulita a ko Sunjata ye ko: "Nij moo ko a be i faa la, i niyo te a bulu, bari niŋ a ko a be i tiñaa la, hani niŋ a maŋ i tiñaa noo, a si i la haajoo tiñaa noo le. Jawuyaa booroo mu meŋ ti, jamfaañoooloo."

Sunjata ko a ye ko: "N te taa noo de, m baamaa be suwo kono, m baarimmusoo be jee, n na kaloo be jee, n na dolo batoo be jee." Koriteelaa ko a ye ko: "N si wolu bee kili ì ye naa i danku jaŋ." A ye Sukuluj Konte kili koritee binoo la, Sukuluj Konte wulita. A ye Ŋaaliŋ Suho kili, Ŋaaliŋ wulita, biriŋ wo be naa, a niŋ a la kaloo naata ñoo la aniŋ a la kala beñoolu, niŋ a la dolo batoo. Bari jannij a ka finti, a taata juubeerilaa yaa juubeeroo la. Juubeerilaa ko a ye ko: "Ali be taa, i si a fo i baarinke wo ye, diminnaa kuu jamaa le be a soto la, bari niŋ a ye wolu bee nooma, a te Mandiŋ mansayaa la."

Ì taata ì ye siloo muta ì futata sila fatoo ma, a ye binoo ñininkaa, binoo ko a ye ko: "Ñiŋ siloo ka taa Sankaraŋ Madibaa Konte le yaa." Sunjata ko a ye ko: "Niŋ n taata niŋ jee la, n niŋ m baarimaa dijolu si kuyaa." A ko a ye ko; "Ñiŋ sila doo duŋ?" Binoo ko a ye ko: "Wo ka taa Tamahaŋ Jondinkiyaa le yaa." Sunjata ko a ye ko: "M be taa wo le la."



Sunjata taata wo siloo le la. Kabirij a futata jee, a ye a tara wolu ye kaañoo le ke taa to a be fajoo la. Ì be naa, ì be sapu la, ì be a fo la ko: "Niñ m be Mandij mansayaa la, ña n na konnaa bula ñiñ kaañi jii fajiriño kono, ña m buloo bula a nooma, a kana n jani. Bari niñ n te Mandij mansayaa la, a ye m buloo kuntu." Sunjata ye wo kaañoo le tara fajoo la, bitun a ye a la buluto konnaa bondi a ye a ke jii sumaa kono, a ye a dii Siyamakañ Jondikiya la.

Siyamakañ Jondikiya ko a ye ko: "Bantañolu be jañ, i si taa ñiñ bantañolu to sumandiroo la. Niñ moo-wo-moo ye ñiñ bantañolu buñ a foota, wo to, wo maarii mu jankadiño le ti." Sunjata jusubota, a taata a ye bantañbuñ, a ye a la kaloo wutu, a ko: "Niñ a ye tara sanji woorowula n konoo be m baamaa la, a kija nene mañ a fara, niñ ña bantañbuñ, bantañye boyi." A ye bantañbuñ, bantañmañ boyi. A taata a baamaa kañ a ko a ye ko: "I si n keñaa fo n ye. Niñ jankadiño le mu n ti, i si a fo n ye, kaatu m be i faa la le, ña m fanj faa." A baamaa ko a ye ko: "I ye kumoo meñ fo wo le warata. I tooñaa la sanji woorowula i konoo be n na, n kijoo nene mañ m fara, bari luñ kiliñ sotota, i faamaa ye n kili, samaa kono, sajo be kuma kañ kabirij a ye kiliroo fulanjañ, n kijoo faratoo taata a kañ. Taa i ye wo fo i la kumoo kono i ye a juubee."

Kabirij Sunjata muruta a ye wo fo a la kumoo kono, a ye bantao buŋ, bantao maalaata, a ko a be boyi la. Tiraamakanj Jondinkiya fanaa sarita bantao kaŋ, bantao ko a be wuli la. Sunjata sarita a kaŋ, bantao kunṭuta teema a boyita. Hani bii niŋ bantao be jaa la, a ka foloo turoo le to, a ye jii naŋ duuma la.

Tiraamakanj a ye Sunjata tulu buŋ. Sunjata ye a bulu kaŋo muta, a ko a be a katı la. Sunjata baarimmusoo naata, a ko a ye ko: "Biriŋ m̄ be bo la Mandiŋ, n̄ ko i ye le diminnaa kuu jamaa le be i soto la, niŋ i ye wo diminnaa kuwo bee nooma, i te Mandiŋ mansayaa la, aduŋ wo diminnaa taamanseeroo doo le mu ñiŋ ti."

Sunjata ko a ye ko: "I tooñaa la." Tiraamakanj Jondikiya ko a ye ko: "Kewo meŋ na keeyaa warata nte la keeyaa ti, wo te tu la nte yaa, taa."

Bituŋ a tambita, a taata Fariŋ Burema Tunkara yaa Neema. Tunkaroolu bee bota Neema le. Biriŋ a taata Fariŋ Burema Tunkara yaa, a be dannayaa le la jee. Niŋ a baadinj meŋ mansayaata teneŋ, jannij a ñoŋ teneŋ, wo si faa. Niŋ Susu Sumankuru maŋ meŋ faa kidoo la, a si a faa buwaayaa kono. Mansa taŋ kononto a niŋ kononto a ye wo le faa.

A tutamoo kilinjo meñ na ka a toloo, wo mañ soñ ka a toloo, kaatu a ko Sumankuru be a faa la le. Ì ko a ye ko: "A siiita i ma le. N te i tu la jee, adun i la mansayaa te sawundi la. Niñ a siita meñ ma, a ka dii wo le la. Bituñ wo suutoo Fariñ Burema Tunkara wulita a taata Susu Sumankuru yaa. A ko a ye ko: "Niñ nte mansayaata, kana m faa. I lafita feñ-wo-feñ na Mandiñ, n si a dii i la." Kabiriñ a bota Sumankuru yaa, a futata naanewo to doron, a boyita, a faata.

Jaloolu niñ mansariñolu naata ì ko a ye ko: "N te i too safee la ñ na taarikoo kitaaboo kono. I silata saayaa meñ na, i fele i mañ kana a ma." Ì doomaa doo be jee ì ye wo wulindi ì ko a ye taa Sunjata nooma, a faadiñolu bee banta. Bituñ wo taata a nooma Neema, Fariñ Burema Tunkara yaa. A be futa la waatoo meñ na, a bataata baake. Bituñ kabiriñ a baarimmusoo ye a je, a jusulaatoo niñ boroo ye a benduñ a mininta a la. Kabiriñ wo ye i miniñ a la, a boyita. Wo ye a tara Sunjata be dannayaa la wuloo kono.

Kabiriñ Sunjata naata, a ko a ye ko: "N kotoo le n ñori m boyita." Sunjata ko a ye ko: "I ye i baarimmusoo le ñori a boyita, ite mu Foofana le ti. Ité te Mandiñ mansayaa la." Wo le ye Foofana kontonjolu saabu. Sunjata doomaa le mu.

Sunjata muruta naŋ a ye a tara a baamaa be kuurandij. A loota a baamaa kunto, a ko a ye ko: "N naa, iye n kili Mandij mansayaa la, bari niŋ a ye a tara n te Mandij mansayaa la, iye tu kuurandij, kaatu n te i kuurantoo tu la jaŋ. Bari niŋ a ye a tara m be Mandij mansayaa la le, iye faa jannij fanoo ka ke. Jannij fanikewo, Sukuluj Konte faata. i taata kibaaroo futandi Fariŋ Burema la ko Sukuluj Konte maŋ tara kerij. Bituŋ Fariŋ Burema naata a fo iye a fo Sunjata ye ko, a te a baamaa baadee la dulaa to, fo niŋ a ye baadee kenoo saŋ foloo.

Sunjata ko a ye ko: "M be a saŋ na ñaadii le?" A ko Sunjata a ye ko: "I si sanoo duŋ ñoo daa. I ye doo ke a foŋo to, iye doo laa a siŋo to. Wo kaañanta bankoo daameŋ fee, i si jee siŋ iye a baadee jee." Sunjata naata wo le ke. Kabirij aye wo ke, aye sanoo laa leefaa kan, aye wolo kiloo laa jee, aye daa telenjoo laa jee, aye ñantaŋ kotoo laa jee, aye a samba Fariŋ Burema Tunkara ye. Moo doo le be Fariŋ Burema Tunkara la buŋo kono i ka a fo aye Makaj Kuubee Lonnaa, anij doo fanaa be jee i ka a fo aye ko, Makaj Kuubee Fo. Kabirij Makaj Kuubee Lonnaa ye ñiŋ je, a ko iye ko: "Nte ña ñiŋ lonj de." Bituŋ Makaj Kuubee Fo kumata ko: "Nte fanaa si a kuwo fasari noo le de." Bituŋ a naata a fasari ko Sunjata la taamanseeroo ye ñiŋ ne

yitandi ko, luŋ si naa sii, Fariŋ Burema la ŋij saatewo si teyi ko ŋij daa teleŋo be ŋaameŋ. Luŋ si naa sii, woloo si kiloo laa ŋij saatewo tumbuŋ noo to, aduŋ ŋantaŋ foroo te je la jaŋ.

Wo tumoo le mu a wulita a niŋ a baarimmusoo Ŋakaleŋ Juma Suunoo, a niŋ Balafaa Seke Kuyaate, a niŋ a doomaa, i taata futa Data jalaŋ. Kabiriŋ i futata jee, Sunjata ko a la jaloo ye ko: "Suwoolu kumandi." Jaloo niŋ ko a ye ko: "Suwoolu wolu mu muŋ fennu le ti Naareŋ Konaate?" Sunjata ko a ye ko: "Jaloo mu korontotoo le ti, suwoolu kumandi doron." Bituŋ jaloo niŋ naata kumandiroo ke suwoolu la, suu baraa fintita naŋ.

Sunjata ko a ye ko: "Suu ŋiimaa le mu niŋ suwoo ti, bari niŋ kuuraŋo ye a maa, a te bo la." Jaloo naata kiliroo ke kotenke, suu kelembó fintita naŋ. Sunjata ko a ye ko: "M maŋ niŋ fanaa fo." Jaloo ye kiliroo ke kotenke, suu sambaŋo fintita, Sunjata seleta sambaŋo le foloo kaŋ. Wo le ye a tinna jaloolu ka a fo ko, suwoolu duŋ be sambaŋ jimme.

Aa ye suwoolu-wo,  
Suwoolu Siraamakaŋ ŋaani,  
Suwoolu wo ye e-ee,  
Siraamakaŋ ŋaani dumbe Makaŋ n ye,  
Wulo-o janka yaa taa,  
Suu ke n kaŋ na niŋ kirikee.

Sunjata ko a ye ko: "N te duŋ na Mandiŋ fo n niŋ Sumankuru ye n kele foloo." A ko a be jalayoo le bo la. A ko Fa Seya Kuyaate ye ko: "I si n na kelejawaroolu kili n ye." Bituŋ Kuruŋ Kureŋ Kama Foofana naata, a niŋ kala wuli kiliŋ keme naani taŋ naani aniŋ naani.

Sunjata ko a ye ko: "Keloo maŋ sii foloo, Tiraamakanŋ maŋ naa." Wo niŋ a la moolu taata. Ì be jee, Soraa Musa naata a niŋ kala baa wuli kiliŋ kala baa keme naani, kala baa taŋ naani niŋ naani. Sunjata ko a ye ko: "Hani bii keloo maŋ sii de, Tiraamakanŋ maŋ naa." Soraa Musa ko a ye ko: "Fo Tiraamakanŋ ne fisayaata ntolu bee ti baŋ?" Sunjata ko a ye ko: "A maŋ fisayaa ali bee ti, bari a ka keloo ke soomandaa, a ye wuraaramaŋo ke, n niŋ a ye taa beŋ kele baa to."

Sankaraŋ Madibaa Konte fanaa naata a niŋ kala baa wuli kiliŋ kala baa keme naani, kala baa taŋ naani aniŋ naani. Sunjata ko a ye ko: "Keloo maŋ sii de, Tiraamakanŋ maŋ naa." Sankaraŋ Madibaa ko a ye ko: "Fo Tiraamakanŋ ne fisayaata ntolu bee ti?" Sunjata ko a ye ko: "A maŋ fisayaa ali ti, bari a ka keloo ke soomandaa, a ye wuraaramaŋo ke, niŋ a ye taa beŋ kele baa to." Wo jusubota, a ye keloo saba, kaloo ye siisiyo bo. A ye jamboo laa a ye kaloo fayi,



kaloo ye muru buŋ, a ye murumuru buŋ, a ye Jembe  
buŋ, a ye Jembelin Koleŋ buŋ, a ye Fulandin Seka  
buŋ a bota kunkoo to Seka la.

Biriŋ wo keta, Tiraamakaŋ ye a la musoolu kili, a  
ye furuyaa tikoolu siti ì kunj na, a ye furuyaa faanoo  
ke ì la, a ye a fanj kasankee, a ye i laa samba kaŋ ì  
taata a landi Sunjata koto. A ko Sunjata ye ko: "Niŋ  
n niŋ Suſu Sumankuru benta, luŋ meŋ na, niŋ nte  
maŋ ate ke teŋ, ate be nte ke la teŋ ne." Biriŋ wo  
keta, keloo wulita. Ì benta Tawuŋ Baara, keloo  
diyaata Susu Sumankuru la. Ì benta Umbara, keloo  
diyaata Susu Sumankuru la. Ì benta Kaniňaa  
kotenke, biriŋ keloo keta Kankiňaa, Sunjata  
baarimmusoo, Ŋaaliŋ Juma Suho ko Sunjata ye ko:  
"N kotoo, jii kandoo ka moo faa le, bari jii summaa  
fanaa ka moo faa noo le de. Numoo mu musoo le ti,  
n niŋ a tu ŋoo la." Sunjata ŋiŋ baarimmusoo, ate le  
ŋiiňaata Mandiŋ musoolu bee ti, aniŋ Susu musoo  
muumeelaa bee.

Bituŋ Ŋaaliŋ Juma Suho ye i paree, a taata Susu.  
Niŋ i ye a je ì ka fo numoolu ye Kukuba, Bantaŋ baa,  
Ŋoyiňanna aniŋ Kamba Sikaya, Susu Sumankaru la  
bulundaalu le mu ŋinnu ti, janninj ì be duŋ na tatoo  
kono. Ŋaaliŋ Juma Suho taata. Niŋ a ye daa-wo-daa  
konkoŋ, wolū si a joo, ì bee si lafi a la. Bari a si a fo ì

ye ko: "Nte maŋ ke ali la luntaŋ ti, nte ka taa Susu Sumankuru le yaa." Wolu si daa yele a ye a si tambi. Wo tumoo la, sooninkeeeyaa le be keriŋ, mansariŋ musoo niŋ numu kewo buka ñoo kanu. Bari bii tiloo la, wo maŋ ke tana ti, m̄ be Misilimeyaa tiloo le kono.

A taata fo a futata Susu Sumankuru la buŋo kono. Susu Sumankuru lafita a niŋ a ye ñoo je, bari Ŋaaliŋ Juma Suho ko a ye le ko: "Luntaŋ meŋ naata i yaa, wo maŋ koronto sii." I kacaata fo a meeta, bituŋ Ŋaaliŋ Juma Suho naata a ñininkaa a ko a ye ko: "Keloo naata i la ñiŋ saatewo kaŋ, a buka a tiňaa noo, muŋ ne ye wo saabu?" Susu Sumankuru ko a ye ko: "Nte faamaa maŋ ke hadamadiŋ ti, nte faamaa mu jinoo le ti. Kuŋ woorowula le be a la, niŋ keloo naata, niŋ a ye a daa yele, kumuriŋolu si finti naŋ. Niŋ i ye moo-wo-moo buŋ, wo maarii ka faa le." Bituŋ Ŋaaliŋ Juma Suho ko a ye ko: "I faa la wo kuŋ woorowuloo dun muŋ ne si wo tiňaa noo?" Susu Sumankuru ko a ye ko: "Kuwo meŋ si wo tiňaa, a be keriŋ ne." Bituŋ Sumankuru baamaa ye i diyaamukaŋo moyi, a fintita naŋ i kaŋ. A ko Susu Sumankuru ye ko: "Suuto kiliŋ luntaŋ, kana i kono bee fo a ye de." Ŋaaliŋ ko Susu Sumankuru ye ko: "Wo to nte be taa le, kaatu i baamaa be m bayi kaŋ ne."



Sumankuru ko a ye ko: "Niŋ mu musukeebaa le ti." Bituŋ a wulita a taata a ye doloo dii a baamaa la, wo ye i laa a siinoota. Bituŋ i tententa i la kacaa la. Sumankuru ko a ye ko: "Nte faamaa mu jinoo le ti. Nte konoo be m baa la tuma meŋ, musu fula le ye n konoo taa. Suusu niŋ Dabi. Niŋ m be Dabi kono, Suusu si kuuraj fo lookuŋ. Niŋ n yelemata Suusu kono, Dabi si kuuraj fo lookuŋ, fo n wuluuta." Wo le ye a tinna i ka a fo numoolu ye baa fula Suusu.

Ñaaliŋ Juma Suho ko a ye ko: "I wo faamaa meŋ ka i maakoyi ka mansa-wo-mansa bayi, muŋ ne duŋ si wo faa noo?" Susu Sumankuru ko a ye ko: "Meŋ si wo faa noo, wo le mu siisee koyoo saalijo ti, ka a niŋ koritee munkoo ñaami, ka a ke kinti banoo kono, ka a ke kaloo daa to. Niŋ wo kaloo fayita, wo le be m faamaa faa noo la. Wo kaloo le be a kuŋolu bee soo la."

Ñaaliŋ Juma Suho ko a ye ko: "Niŋ wo keta, i la saatewo teyita, ite be ke la ñaadii le?" Susu Sumankuru ko a ye ko: "Niŋ wo keta, nte be yelema la tuŋo le ti." Ñaaliŋ ko a ye ko: Saayiŋ niŋ moolu ye wo tuŋo janjaŋ duŋ?" Susu Sumankuru ko a ye ko: "N si yelema siboo ti." Ñaaliŋ ko a ye ko: "Niŋ moolu ye wo fanaa kuntu duŋ?" Sumankuru ko a ye ko: "N si ke tonkolojo ti." Ñaaliŋ ko a ye ko: "Niŋ moolu niŋ

fajō dunta wo kono dunj?" Sumankuru ko a ye ko: "N si ke jamba duuduwo ti." Kabiriŋ a ye wo fo, a kijoo ye a fara, a ye i deyi. Jamba duuduwo, kiditii-wo-kiditii ka i siti a buŋ na, saayiŋ-saayiŋ i la kidoo si teyi i bulu. Suusu Sumankuru yelemata wo le ti,

Bituj Ŋaaliŋ Juma Suho naata a fo a ye ko: "M batu ḡa finti jonkoŋo la, ḡa naa. A ye a tara konnaa le be a buloo to, wo mu koritee bulutotaa le ti, a ka diyaamu le. Bituj kabiriŋ a fintita jonkoŋo la, a ye wo konnaa le ke fenkeŋo kono, ate sawunta tatoo la a taata.

Sumankuru be laariŋ a be a batu kaŋ. Moo ye moo meŋ kanu, a ka a neenee noo le. Niŋ Sumankuru diyaamuta ka a fo a ye i maŋ naa hani saayiŋ, konnaa si a jinkanj ka a fo a ye ko: "M batu, moo meŋ naata i yaa luntanyaaa la, wo maŋ koronto sii." Sumankuru meeta baturee la, fo duntuj kumoo be naa sii la. Bituj a korontotoo wafuta jonkoŋo la, a maŋ moo je, fo a ye konnaa meŋ tara laariŋ fenkeŋo kono. Kabiriŋ a ye a loŋ ko konnaa le ka diyaamu a ye, a kumboota.

Bituj i naata Tiraamakanj kii ka taa a muta, bari a ye a tara le Ŋaaliŋ ye Sumankuru la kuloolu bee waañaari. A ye meŋ bee fo a ye, i ye a bee le ke a ñaama. Niŋ daliiloo le ye a tinna Konte Kontonjolu

buka siisee koyoo domo. Bitunj kabirij ì ye keloo dedaa, ì ye kaloo ñij dii Sankarañ Madibaa Konte le la, wo le a fayi.

Wo le ye a tinna ì ka a fo, kaloo kuñjo ñij a kañjo bee ñij wuloo. Kaloo be foñjo kono Faa Karanda, ate le ye jinoo faa konkoo to. Kabirij a ye jinoo faa konkoo to Suusu, ì naata a kumandi Mandij kala wulenj bunnaa la. Wo saamoo soomandaa keloo wulita. Keledijolu ye saatewo beñ. Janniñ talañ fula, ì ye jee teyi. Bitunj Ñaalij Juma Suho be keledijolu bala ì be Suusu Sumankuru ñini kañ. Niñ i ye saa kuñjo kuntu, too meñ tuta jee, wo mu juloo le ti. Ì be wo ñinindiroo le la doronj, ì ye tonkoloñ baa je a wulita. Ñaalij Juma Suhi ko ì ye ko: "Ate le mu, a kana kana de. " Kewolu niñ ì la tamboolu kidita a kañ ì dunta tonkoloñ kono, ì mañ feñ je fo sibi juwo. Ñaalij ko ì ye ko: "A famfañ baa le mu." Moolu kidita a kañ kotenke ì ye siboo ñij sepu fo a be naa boyi la doronj, a yelemata tuñjo ti. Ñaalij ko ì ye ko: "Ate le mu." Moolu ye i ñuñ teerañolu la ì ko ì be tuñjo ñij janjan na doronj, a yelemata jamba duuduwo ti, a tiita wula dibiriño kono.

Manda Kante

Samaka Kante

Tunkañ Kante

Baayañ Kante  
Soki niñ Sirimanj  
A be faroo fee la maraa la  
Suusu niñ Dabi teema  
Dabaari tiñaalaa.

Jambaduuduwo dunta wula baa kono. Suusu  
Sumankuru la kuwo danta jañ ne.

Bituñ Sunjata naata Mandinj bee beñ. Nunto  
moolu la kuwo niñ saayinj moolu la kuwo mañ kilinj.  
Nuntoo kontonj te kerij. Kontonjolu mennu be kerinj  
saayinj, mu Sunjata la kumakanjolu le ti. Sunjata mu  
moo kaawaakuuyaariñ baa le ti. Moo-wo-moo ye  
jarinteeyaa kuu-wo-kuu menj ke, niñ i futata a ma, a  
ka i kontonj wo le la.

Jali Bamba Suusoo wo le ye taarikoo ñinj  
kumoolu seyinkanj. Fatumata Sidibe wo le foloo ye a  
kumakanjolu safee Mandinka kajo to. Bituñ ntolu  
naata a seyinkanj safee.

